

Jolchobir Thikana Lyrics in Bengali

এ নদী পাহাড়তলী যায়
নতুন এক পথের অপেক্ষায়,
ভেসে যাই পালতোলা নৌকায়
ভরা স্রোতে প্রশ্ন খুঁজে পায়।

ঘর বাঁধি ছায়াপথে
জলছবির ঠিকানায়,
তোমার সাথে আমি
যেন নিছক ছলনায়।

ঘুরে ঘুরে রাত্রি শেষে
কোনো এক ঘুমের দেশে,
শুনি কোনো চেনা বাঁশির সুর।
বেমালুম আবছায়া হাওয়ায়
পাহাড়ি গাছের ছাওয়ায়,
চেনা মুখ একলা বহুদূর।

আমার শহরতলীর অলিগলি
পেরিয়ে অনেক পথ,
কেন ঢেউয়ের তালে ভাসিয়ে দিলে
পুরোনো শপথ,
আবার জ্যেৎস্না রাতেই আলতো হাতে
মুছিয়ে চোখের জল,
তোমার বিদায় বেলায় আড়চোখেতে
মুচকি হাসির ছল।

ঘর বাঁধি ছায়াপথে জলছবির ঠিকানায়
তোমার সাথে আমি, যেন নিছক ছলনায়।

মেঘেদের কোলে চড়ে যাই
ঘুরে ঘুরে, বেয়ে উঠি পাহাড়চূড়ায়,
বুনোফুলে ভরা আঙিনায়
সেই অদূরে, এ ফুলেও গন্ধ পাওয়া যায়,
তোমার চারপাশে বর্ষার মেঘ হাসে
ভিজে রংতুলি দেয় পাহারা,
কখন কি জানি তোমার হাতছানি
পাওয়ার ইচ্ছেরা দেয় ইশারা,
তোমার ঘরে আমি,
যেন নিছক ছলনায়।

এ নদী পাহাড়তলী যায়
নতুন এক পথের অপেক্ষায়,
ভেসে যাই পালতোলা নৌকায়
ভরা স্রোতে প্রশ্ন খুঁজে পায়।

ঘর বাঁধি ছায়াপথে, জলছবির ঠিকানায়,
তোমার সাথে আমি, যেন নিছক ছলনায়।